

#### IV.d. ROK ZA PODNOŠENJE PRIJAVE

Rok za podnošenje prijave na Javni poziv je 20 dana od datuma objave Javnog poziva.

#### IV.e. NAČIN I ROKOVI IZVJEŠTAVANJA

Podnosioci prijave koji dobiju sredstva obavezni su dostaviti izvještaj o realizaciji projekta, na propisanom Obrascu narativnog i finansijskog izvještaja (dostupnog na web stranici Ureda Vlade Kantona Sarajevo za dijasporu), a koji uključuje:

- Detaljan opis aktivnosti koje su realizovane;
- Dokaze o troškovima (predračuni, računi, fakture sa fiskalnim računima, ugovori, izvodi iz banke);
- Spiskove/liste učesnika na događajima/manifestacijama (uključujući kontakt podatke i potpise prisutnih);
- Medijske objave i promotivne materijale.

Sva finansijska dokumentacija koja se dostavlja u okviru pravdanja sredstava, mora glasiti na organizatora aktivnosti/projekta.

Izvještaj se dostavlja Uredu Vlade Kantona Sarajevo za dijasporu do kraja 2026. godine.

#### IV.f. OPĆE ODREDBE

Program će se provesti putem Javnog poziva podrške projektima saradnje i jačanja veza sa dijasporom i državama Regiona u Kantonu Sarajevo 2026, koji će provesti Ured Vlade Kantona Sarajevo za dijasporu. Javni poziv, preliminarni i konačne rang liste bit će objavljene na službenoj web stranici Ureda Vlade Kantona Sarajevo za dijasporu <https://dijaspora.ks.gov.ba/>.

Pregled prijava i dokumentacije, obradu i kontrolu svih podataka, te ocjenu o ispunjavanju svih uslova vršit će komisija imenovana rješenjem Šefa Ureda Vlade Kantona Sarajevo za dijasporu.

Aplikant čija prijava ne ispunjava uslove sa razlozima za odbijanje sufinansiranja projekta, a koji smatra da je njegovo pravo povrijeđeno u postupku izbora korisnika sredstava, može uložiti prigovor (potpisan od ovlaštenog/odgovornog lica i ovjeren pečatom organizacije/udruženja/fondacije) i isti dostaviti Uredu u roku od sedam dana od dana objave Preliminarni rang liste.

Prigovor se ne može podnijeti ako je prijava odbijena kao neblagovremena, nepotpuna ili neuredna.

Svaki član bilo koje komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

Za sufinansiranje realizacije odobrenih projekata zaključit će se pojedinačni ugovor između korisnika finansijskih sredstava i Ureda.

Ured Vlade Kantona Sarajevo za dijasporu po osnovu dodijeljenih finansijskih sredstava ima pravo da koristi informacije u vezi sa realizacijom projekta u svrhu promocije Kantona Sarajevo.

Upiti za dodatne informacije o Javnom pozivu, kao i zahtjevi za pojašnjenjima mogu se dostaviti putem maila na adresu [dijaspora@vlada.ks.gov.ba](mailto:dijaspora@vlada.ks.gov.ba).

#### V. DRUGI DIO PROGRAMA

##### V.a. PRAVO UČEŠĆA

Pravo učešća u drugom dijelu programa imaju institucije i organizacije iz država nastalih disolucijom SFRJ (države regiona), uz ispunjene sljedeće uslove:

- da se radi o projektu od značaja za Kanton Sarajevo;

- da projekat ima za cilj očuvanje bosanskog jezika, kulture i tradicije kao i jačanje ekonomskih veza;
- da su kandidovale projekat zahtjevom/pismom namjere prema Uredu Vlade Kantona Sarajevo za dijasporu;
- da je za realizaciju projekta Vlada Kantona Sarajevo dala svoju saglasnost.

##### V.b. NAČIN I ROKOVI IZVJEŠTAVANJA

Sredstva koja se dodjeljuju po ovom programu mogu se koristiti i pravdati isključivo za troškove vezane za podneseni projektni zahtjev/prijedlog za koji se sredstva doznaju. Sredstva se pravdaju u roku od 60 dana nakon završetka projekta, uz pismeno obrazloženje kao i raspoložive dokaze (fakture, fiskalni računi, i sl.).

Broj 02-04-15131-17.1/26

09. aprila 2026. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 18. stav (1) tačka b) i c) i 19. stav (2) Zakona o duhu, zaduživanju i garancijama u Federaciji Bosne i Hercegovine ("Službene novine Federacije BiH", broj 45/25), Vlada Kantona Sarajevo, na 124. sjednici održanoj 16.04.2026. godine, donijela je

#### ODLUKU

#### O PRIHVATANJU ZADUŽENJA PO DUGOROČNOM KREDITU KANTONA SARAJEVO

Član 1.

Prihvata se zaduženje Kantona Sarajevo po dugoročnom kreditu u iznosu 117.062.923,00 KM, kod sljedećih banaka:

- Intesa Sanpaolo banka d.d. Bosna i Hercegovina	26.000.000,00 KM
- NLB banka d.d. Sarajevo	9.400.000,00 KM
- Union Banka d.d. Sarajevo	9.000.000,00 KM
- Sparkasse Bank d.d. Bosna i Hercegovina	15.600.000,00 KM
- UniCredit bank d.d. Mostar	57.062.923,00 KM.

Član 2.

Kreditna sredstva iz člana 1. ove odluke namjenjena su za potrebe finansiranja dijela kapitalnih projekata i akumuliranog deficita iz prethodnih godina, a prema članu 4. Budžeta Kantona Sarajevo za 2026. godinu ("Službene novine Kantona Sarajevo", broj 52/25), i to kako slijedi:

Sub-analitika	OPIS	Iznos zaduženja (KM)
	<b>Kabinet premijera Kantona Sarajevo</b>	<b>1.000.000</b>
BAU001	Kapitalni transferi međunarodnim organizacijama - Muzej ArsAevi	1.000.000
	<b>Ministarstvo saobraćaja Kantona Sarajevo</b>	<b>5.000.000</b>
EAX050	Izgradnja saobraćajnica i infrastrukture javnog prevoza Kantona Sarajevo	5.000.000
	<b>Uprava policije Kantona Sarajevo</b>	<b>12.162.923</b>
HBX001	Nabavka opreme	4.626.000
HBX002	Nabavka motornih vozila - Uprava policije	5.450.000
HBX007	Nabavka radarskih sistema	1.607.112
HBX008	Nabavka opreme za realizaciju elaborata sistema za provjeru i akviziciju registarskih tablica	479.811
	<b>Ministarstvo privrede Kantona Sarajevo</b>	<b>500.000</b>
IAU001	Podrška projektima ZOI 84 Olimpijski centar Sarajevo d.o.o	500.000
	<b>Ministarstvo zdravstva Sarajevo</b>	<b>8.000.000</b>
KAU0B1	Rekonstrukcija i sanacija Centralnog objekta JU Zavod za hitnu med.pomocu KS	2.000.000

KAU0B3	Izgradnja, rekonstrukcija i opremanje javnih zdravstvenih ustanova Kantona Sarajevo	4.000.000
Nov	Nabavka liftova - JU Opća bolnica "Prim. dr Abdulah Nakaš"	2.000.000
	<b>Ministarstvo za odgoj i obrazovanje Kantona Sarajevo</b>	<b>7.600.000</b>
LAX0C1	Sufinansiranje izgradnje OS na Stupu	7.600.000
	<b>Ministarstvo komunalne privrede, infrastrukture, prostornog uređenja, gradnja i zaštite okoliša Kantona Sarajevo</b>	<b>3.800.000</b>
YAU038	Izgradnja i rekonstrukcija komunalnih objekata i infrastrukture kojim upravljaju KJKP-a (Kotlovnica JU Studentski centar, Rekonstrukcija toplane u Novom Gradu, Proširenje groblja Vlakovo i dr.)	2.800.000
YAU047	Otkup zemljišta u svrhu proširenja gradskog groblja Vlakova	1.000.000
	<b>Ministarstvo za nauku, visoko obrazovanje i mlade Kantona Sarajevo</b>	<b>4.000.000</b>
QAX002	Izgradnja Akademije scenskih umjetnosti	4.000.000
	<b>Akumulirani deficit iz prethodnih godina</b>	<b>75.000.000</b>
	<b>SVEUKUPNO</b>	<b>117.062.923</b>

Član 3.

Kreditna sredstva iz člana 1. ove odluke prihvataju se u formi direktnog unutrašnjeg duga, pod sljedećim uslovima:

Intesa Sanpaolo banka d.d. Bosna i Hercegovina

- Iznos kredita 26.000.000,00 KM Visina kamatne stope: 3,49 %, na godišnjem nivou
- Vrsta kamatne stope: fiksna
- Rok otplate kredita: 10 godina, sa uključenih 3 godine grace perioda

NLB banka d.d. Sarajevo

Iznos kredita 9.400.000,00 KM

- Visina kamatne stope: 3,54 %, na godišnjem nivou
- Vrsta kamatne stope: fiksna
- Rok otplate kredita: 10 godina, sa uključenih 3 godine grace perioda

Union Banka d.d. Sarajevo

Iznos kredita 9.000.000,00 KM

- Visina kamatne stope: 3,64 %, na godišnjem nivou
- Vrsta kamatne stope: fiksna
- Rok otplate kredita: 10 godina, sa uključenih 3 godine grace perioda

Sparkasse Bank d.d. Bosna i Hercegovina

- Iznos kredita 15.600.000,00 KM
- Visina kamatne stope: 3,68 %, na godišnjem nivou
- Vrsta kamatne stope: fiksna
- Rok otplate kredita: 10 godina, sa uključenih 3 godine grace perioda

UniCredit bank d.d. Mostar

- Iznos kredita 57.062.923,00 KM
- Visina kamatne stope: 3,71 %, na godišnjem nivou
- Vrsta kamatne stope: fiksna
- Rok otplate kredita: 10 godina, sa uključenih 3 godine grace perioda.

Član 4.

Zaduženje se vrši uz prethodnu pisanu saglasnost Federalnog ministarstva finansija, u skladu sa odredbama člana 15. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 45/25).

Član 5.

- (1) Daje se saglasnost Ministarstvu finansija Kantona Sarajevo da zaključi ugovore o dugoročnom kreditnom zaduženju sa Intesa Sanpaolo banka d.d. Bosna i Hercegovina, NLB banka d.d. Sarajevo, Union Banka d.d. Sarajevo, Sparkasse

Bank d.d. Bosna i Hercegovina i UniCredit bank d.d. Mostar pod uslovima iz člana 3. ove odluke.

- (2) Kanton Sarajevo će izdati bjanko ovjerene i potpisane mjenice sa ovlaštenjem za popunu kao instrumente obezbjeđenja kredita, a u skladu s ugovorima iz stava (1) ovog člana.

- (3) Ovlašćuje se Ministar finansija Kantona Sarajevo da potpiše ugovore iz stava (1) ovog člana, kao i instrumente obezbjeđenja kredita koji proizilaze iz ugovora.

Član 6.

Sredstva za servisiranje kredita iz člana 1. ove odluke obezbjedit će se i u svim narednim budžetima Kantona Sarajevo, za cijeli period trajanja ugovorne obaveze.

Član 7.

Za realizaciju ove odluke i izvještavanje o namjenskom trošku sredstava i iznosu kreditnih sredstava, iz člana 1. ove odluke putem dostavljanja izvještaja Ministarstvu finansija Kantona Sarajevo, u roku od 10 dana po isteku svakog kvartala, zadužuju se: Kabinet premijera Kantona Sarajevo, Ministarstvo saobraćaja Kantona Sarajevo, Ministarstvo unutrašnjih poslova Kantona - Uprava policije, Ministarstvo privrede Kantona Sarajevo, Ministarstvo zdravstva Kantona Sarajevo, Ministarstvo za odgoj i obrazovanje Kantona Sarajevo, Ministarstvo komunalne privrede, infrastrukture, prostornog uređenja, gradnja i zaštite okoliša Kantona Sarajevo, Ministarstvo za nauku, visoko obrazovanje i mlade Kantona Sarajevo i Ministarstvo finansija Kantona Sarajevo, svako u okviru svoje nadležnosti.

Član 8.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-17803-18/26

16. aprila 2026. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa tačkom 1. Zaključka Vlade Kantona Sarajevo, broj 02-04-58439-52/25 od 29.12.2025. godine, Vlada Kantona Sarajevo, na 162. vanrednoj sjednici održanoj 17.04.2026. godine, donijela je

**ODLUKU**

**O DAVANJU SAGLASNOSTI ZAVODU ZA IZGRADNJU KANTONA SARAJEVO ZA POPUNU UPRAŽNJENIH RADNIH MJESTA**

Član 1.

Daje se saglasnost Zavodu za izgradnju Kantona Sarajevo za popunu četiri (4) upražnjena radna mjesta, i to:

1. Stručni savjetnik za stručni nadzor nad izgradnjom, rekonstrukcijom, sanacijom i održavanjem elektroinstalacija - jedan (1) izvršilac na neodređeno vrijeme,
2. Stručni savjetnik - samostalni knjigovođa - jedan (1) izvršilac na neodređeno vrijeme,
3. Viši referent za kancelarijsko poslovanje - jedan (1) izvršilac na neodređeno vrijeme,
4. Viši referent na poslovima GIS-a (KKU) - jedan (1) izvršilac na neodređeno vrijeme.